

4. Bibliographie der Schriften

Die PAEDAGOGIE oder Handleitung zu der Verborgenen Weißheit Gottes vorgestellt aus dem Buch der Weißheit Cap.IX. V.13-19. Bey Beerdigung Eines ...

Francke, August Hermann

Halle, 1702

Iusta Exsequiarum...

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

IVSTA EXSEQVIARVM
IN FVNERE

GENEROSISSIMI NOBILISSIMIQUE
ADOLESCENTIS

IO. HENRICI

DE SOMMERFELD ET FAL-
CKENHAYN,

EQVITIS SILESII,

NVDIVS TERTIVS X AVGVSTI FATALI
MORBO EXSTINCTI,

HODIE XII AVGVSTI AB HORA II
IN GLAVCHENSI COEMETERIO

RITE AC HONESTE PERSOLVENDA

ACADEMIAE FRIDERICIANAE

PROCERIBVS CIVIBVSQUE,

QVIBVSCVMQUE COMMODVM EST,

OFFICIOSE ET HVMANITER

COMMENDAT

EIVSDEM ACADEMIAE PRORECTOR

IO. FRANCISCVS BVDDEUS,

S. THEOL. LIC. PHILOSOPHIAE MORALIS ET CIVIL.

PROF. PVBL. ORD.

HALAE, ANNO M DCC II.



Id iterum prænobili exemplo comprobandum erat, quam nihil certum, nihil stabile in rebus humanis sit, sed æque ætas prima atque vltima obnoxia mortalitati. Decessit enim admodum adolescens IO. HENRICUS de SOMMERFELD & FALKENHAYN, non minus pietatis laude ac industria, quam generis antiquitate & auita Maiorum gloria commendandus. In eo gradu ætatis erat, vt flores protrudere, atque ex iis spem fructuum suo genere dignorum facere inciperet: sed quæ fragilitas humana est, vnus dies spem in diuersa & lugubria conuertit. Adficimur adolescentia eius, sed magis NECESSITVDINVM casu. De illo enim scimus non male actum esse, quia præpropereo fato multis, quæ instabant, quæ sequuturae erant, molestiis præreptus est, quas subire per naturæ conditionem necesse utique habuisset. Si quid triste ac luctuosum est in morte eius, non ad mortuum, sed ad illos, quos reliquit, illustres PARENTES & generosos FRATRES pertinet, aliosque necessarios, quibus is spem virtutis ac ingenii attulerat: qui vero quod Christi sapiëntia imbuti sunt, haud ferent immoderate quæ æterna lege ac bona Dei voluntate defuncto FILIO aut FRATRI contigerunt. Eductus, ereptus est miseriis, in quibus hæremus omnes, & liberari percupimus & optamus: præuenit in eas sedes, quo nos adultiores difficili sane & aspera via tendimus: ac iis iam ornatus ille bonis est, & copiosissime cumulatus, quibus vt potiamur tandem, spe adhuc nos sustentamus. Fingite, o moerentissimi,
redire

redire VESTRVM, Deo dante, in vitam hanc mortalem; quid
lucraturus inde foret? quæ res illum, quæ spes & animi sola-
tium adficeret? vt fortunis vestris frueretur? vt ad summos
honores adscenderet? scitis quam hæc caduca, quam fragi-
lia sint omnia, & sæpe prius abeant, quam data sint, aut
capi fructus ex iis potuerit. Sed esto, mansura illa fuisse: at
quanta cum mole miseriarum? quibus cum curis periculis-
que, quibus nemo mortalium exui potest, antequam cor-
pore animus exuatur. Itaque bene cum illo actum est, dum,
Innumeras calamitates præteruectus, in beatiores sedes
quam reliquit, felicissime anteuertit. Non est igitur quod
conqueramur de excessu eius, cui gratulandum de summa
felicitate est: sed officium honoris & memoriæ, vt pium &
humanum est, faciamus. Natus hic IO. HENRICVS de
SOMMERFELD, Eques Silesius, Schmochwizii est in Li-
gnicensi Principatu, mense Septembri cio idc LXXXIX, Patre
generosissimo viro FRANCISCO ALBERTO de SOM-
MERFELD & FALCKENHAYN, Domino in Schmoch-
witz, Jacobsdorf & Grunau, Ducatus Lignicensis Rediti-
bus Præfecto: Matre perillustri matrona MARIA ELISA-
BETHA, Domina de SCHWEINITZ, ex nobilissima ZED-
LICIORVM Gente oriunda. Felix sic Noster ortu fuit: at
breui post grande illum excepit infortunium, quum non-
dum bimulo Parens optimus eriperetur. Vtique magna
hæc ei calamitas fuisset, nisi cœlesti prouidentia generosis-
sima Mater perillustri & summe reuerendo Domino, Domino
GEORGIO RVDOLPHO, Libero Baroni de SCHWEI-
NITZ, Domino in Münchofen, Seifersdorf & Sorge, po-
tentissimi REGIS Borussia, multo clementissimi Domini
nostri,

nostri, Consiliario Intimo, & Magdeburgicæ Metropolitanæ
 Ecclesiæ Canonico, postquam eluxerat, nupsisset. Hic enim
 Nostrum non vt vitricus, sed vt pater alter, in cuius no-
 men successerat, complexus, nihil curæ, nihil studii & in-
 dustriæ posthabuit, quod ad hunc FILIVM, quem, tamquam
 ex se genitum, amauit, in recto de Deo sensu, in morum
 honestate, & liberalibus disciplinis formandum, aliquid con-
 ferret. Quod igitur melior educatio laudatis PARENTI-
 BVS cordi erat, hunc, sex annorum puerum, Glauchensi Pæ-
 dagogio, vixdum orto, tradiderunt, vt in pietate æque ac
 litteris proficeret, nihilque videret & audiret nihil, quod
 rectius fuisset nesciisse. Haud vana spes illustrium PAREN-
 TVM fuit, sed ille in precibus & Dei cultu industrius non
 sterili officio fuit, sed quod cum alio tempore, tum maxi-
 me in morbo nouissimo præclaros fructus spei & patientiæ
 tulit. Etiam in litterario studio progressum non pœniten-
 dum pro ætate fecit, maiorem deinde facturum, si per fata,
 quæ auocarunt, licuisset. Iulio enim mense in morbum est
 implicitus, ardenti feбри similem, cum crebra narium hæ-
 morrhagia coniunctum, qui sæpe cessit medicinæ, sæpius i-
 dem, aut fortior etiam recurrit, quo vires magis magisque
 sunt profligatæ. Ejus decimo quinto die, X Augusti, spe
 viuendi cum sanguine profusa, animam Noster, Deo deuotam,
 placide sub meridiem inter preces circumstantium
 exhalauit. Hodie reliquiæ corporis ab hora II solemniter &
 Christiano ritu in Glauchensi cœmeterio sepelientur, cui
 pietatis officio vt Academia PROCERES & CIVES, etiam
 illustrium PARENTVM causa & NECESSARIORVM, inter-
 sint, per communem humanitatis legem officiose rogamus,
 amice admonemus. P.P. Halæ XII Aug. MDCCCI.

